

Pasagrabon kag ilapnag ang kalayo sang inaway banwa para sa pungsodnon nga kahilwayan kag demokrasya

Komite Sentral
Partido Komunista ng Pilipinas

Ang Komite Sentral sang Partido Komunista ng Pilipinas (PKP) nagahatag sang iya malig-on nga pagsaludo kag nagahatag sang iya pinaka-militante nga rebolusyonaryo nga pagpanamyaw sa mga Pulang kumander kag hangaway sang Bagong Hukbong Bayan samtang ginasaug subong nga adlaw ang malipayon nga okasyon sa ika-54 nga anibersaryo sang matuod nga hangaway sang katawhan Pilipino. Aton dayawon ang mga nalab-ot kag mga kadalag-an sang hangaway sang banwa nga naagum sa sobra lima ka dekada sang wala untat nga pagsulong sang rebolusyonaryong armadong paghimakas sa bug-os nga kaislahan. Karon nga adlaw, ang Partido kag iya tanan nga rebolusyonaryong pwersa nagpalig-on liwat sang iya panindugan nga makig-away agud tapuson na ang pagginahum sang imperyalista kag lab-uton ang matuod nga kahilwayan kag demokrasya.

Sa sining okasyon, maghatag kita sang pagpasidungog sa ginatos ka baganihan kag martires sang hangaway sang banwa kag aton sila himuon nga mga modelo sang patriyotismo kag bug-os taguipusoon nga pag-alagad sa katawhan. Ang inaway banwa indi magsulong kag magpadayon kon wala ang ila indibidwal kag kolektibo nga kontribusyon kag pagsakripisyo sang kabuhi. Ang ila mga ngalan nasulat na sa kasaysa-



yan sang rebolusyon sang pumuluyong Pilipino kag pagadumdumon tubtob sa katapusan.

Ang Bagong Hukbong Bayan tayuyon nga nagalunsar sang sobra na lima ka dekada nga masingki kag pурсigido nga inaway banwa batuk sa imperyalismong US kag iya mapiguson nga ido-ido nga estado sang dalagku nga burgesyia kumprador kag dalagku nga agalon may duta. Ini testimonya sang salsalon nga espiritu kag determinasyon sang pumuluyong Pilipino nga himuon ang tanan nga posible masarangan agud tapuson na ang apat ka siglo nga padayon nga kolonyal nga paggahum kag mala-kolonyal nga dominasyon nga nagpigos kag naghimulos sa indi maisip nga henerasyon sang anakbalhas sa pungsod, ang padayon nga nagalubong sa ila sa permanente nga estado sang krisis kag kabudlayan.

Gikan sa iya gamay nga panugod, ang BHB nangin pungsodnon nga pwersa sang pila ka libuan nga Pulang hangaway. Bisan pa nagapabilin ini nga gamay kag mahuyangkon i-anggid sa nahanas sang US kag ginpinansyahan nga papet nga Armed Forces of the Philippines (AFP), ang iya indi mabali nga pagkatampad, ang indi mabugto nga

angot sa malapad nga masa sang mangunguma, mamumugon kag anakbalhas, kaupod sa husto nga pagpamuno sang Partido ang magapaseguro sang iya padayon nga paguswag kag kadalag-an.

Ang BHB amo ang pinaka-gamhanan nga hinganiban sang Partido sa paglunsar sang pugsodnon demokratikong rebolusyon. Ini nagapatuman sang pangmalawigon inaway banwa paagi sa estratehikong linya nga palibutan ang kasyudaran gikan sa kaumhan. Paagi sa pagpasanto sa partikular nga kahimtangan sang pungsod, nakaangkon ini sang dalagkuan nga kadalag-an sa pagpatuman sang gerilyang pagpakig-away, pagtukod sang mga sonang gerilya kag mga baseng erya, kag nagtukod sang Pulang gahum sang banwa nga nagasakup sa malapad nga lugar sa kaumhan kadungan kag kasumpong sang nagahari nga reaksyunaryo kag pasista nga gobyerno. Matag adlaw, ginatanom sini sa linibo ka banwa ang binhi sang demokratiko nga gobyerno sang banwa nga tukuron sa palabutun.

Ang BHB naga-atubang sang mabug-at kag dalagku nga mga katungdanan. Kinahanglan naton pangibabawan kag paslawon ang ma-

singki nga kampanya sang pagpali-bot kag armadong pagsugpo nga ginapatuman sang papet nga armado sang US. Dapat kita magpadayon nga magtipon sang kusog paagi sa pagdugmok sang AFP amat-amat agud dal-on ang inaway banwa gikan sa subong nga halintang padulong sa masunod nga mataas nga halintang. Ang Partido kag ang BHB nagapabilin nga lubos nga determinado nga mapasulong ang inaway banwa tubtob sa kadalag-an.


Bisan pa sa subong nga obhetibong kahimtangan, may athag nga panglantaw sang bag-o nga panahon sang rebolusyonaryong unos sa Pilipinas. Ang mga kadre sang Partido kag ang mga Pulang hangaway sang BHB wala nagakalingkang sa ila rebolusyonaryong panindugan kag segurado nga mapangibabawan ang tanan nga upang, paslawon ang mapintas nga kampanya sang pagsugpo sang kaaway kag mag-angkon sang mas dugang pa nga kusog sa masunod nga mga tinuig. Ang Partido Komunista sa Pilipinas mas determinado nga pamunuan ang Bagong Hukbong Bayan agud pasagrabon kag ilapnag ang kalayo sang gerilyang pakig-away paagi sa pagpabante sang pangmalawigon nga inaway banwa.

Ang Partido padayon nga nagapamuno sa inaway banwa

GINTUKOD SANG PARTIDO Komunista ng Pilipinas (PKP) ang Bagong Hukbong Bayan (BHB) sadtong March 29, 1969 agud matuman ang sentral nga


katungdanan sang demokratikong rebolusyon sang katawhan sa Pilipinas paagi sa pagdugmok sang gahum sang reaksyunaryong estado, agawon ang gahum pampulitika gikan sa imperyalistang US kag ido-ido nga nagahari nga sahi sang dalagku nga burgesyia kumprador kag dalagku nga agalon may duta kag buslan ini sang Demokratikong Gobyerno sang Katawhan sang Pilipinas nga alyansa sang mga mamumugon, mangunguma kag tanan nga ginapigos kag ginahimuslan nga sahi sa idalum sang pagpamuno sang proletaryado.


Naka-agum na sang indi maisip nga mga kadalag-an kag mga nalabot sang hukbo sang pumuluyo sa nagligad nga 54 ka tuig sa paglunsar sang rebolusyonaryong armadong paghimakas. Nakaangkon ini sang bulawanon nga inagihan kag pagtulun-an sa pagsulong sang pangmalawigon nga inaway banwa sa gamay nga pulo-pulo nga pungsod nga ang kaumham tuman ka lapad kumpara sa syudad apang na lapta-lapta sa madamo nga kaislahan. Dapat naton ihan-ay ang mga plano kon paa-no mapatuman pasulong ang armadong rebolusyon sa mas mataas nga halintang. Agud mahimo ini, dapat



ANG Bayan

Espesyal nga Isyu | Marso 29, 2023

 ang.bayan@cpp.ph

 [@angbayan1969](https://twitter.com/angbayan1969)

Ang Ang Bayan ginabantala duha ka beses kada bulan sang Komite Sentral sang Partido Komunista ng Pilipinas

maukod naton nga tun-an kag ipatuman ang Marxismo-Leninismo-Maosimo, palig-unon liwat ang sandigan nga mga prinsipyo nga gintalana sang Partido sa paglunsar sang inaway banwa sa Pilipinas, kag magkuha kag hugot nga uyatan ang mga pagtulun-an nga nakuha gikan sa aton mga kadalag-an, subong man sa aton mga kapaslawan.

Nagalunsar ang BHB sang pangmalawigon nga inaway banwa paagi sa pagpatuman sang estratehikong linya nga palibutan ang kasyudaran gikan sa kaumhan. Tungod nga naghalin sa mahuyang kag gamay, kinahanglanon sang BHB nga maglansar sang lapnagon nga gerilyang pakig-away paagi sa relatibong malawig nga panahon agud magtipon sang kusog kag magtukod sang iya armadong pwersa sa bug-os nga pungsod paagi sa paglutos kag amat-amat nga pagwasak sang armadong kusog sang kaaway, tubtob nga may bastante na ini nga kusog nga maglabot pakadto sa syudad gikan sa iya nga mabakud nga mga rebolusyonaryong base sa kaumhan kag agawon ang gahum sang estado sa bug-os nga pungsod. Sa malawig nga panahon sang pagpabaskog, maga-agi sa tatlo ka halintang ang inaway banwa—ang estratehikong dependensiba, estratehikong pagkapatang kag estratehikong opensibakung sa diin magaagi ang rebolusyonaryong pwersa sa ginalauman nga banas sang pag-uswag halin sa pagka-inperyor, padulong sa pagkapatang kag sa ulihi superyor sa pwersa sang kaaway.

Sang gintukod ini sang 1969, may panugod nga pwersa ang BHB nga 60 ka Pulang hangaway kag mga kumander nga may siyam ka awtomatik nga riple, 26 ka *single-shot* nga mga riple kag pistol, kag may baseng masa nga ginabulubanta mga 80,000 sa una nga distrito sang probinsya sang Tarlac. Paagi sa paglunsar sang lapnagon nga gerilya nga pakig-away, naglapta ang kalayo sang inaway banwa sa bug-os nga pungsod. Sa subong may yara ini linibo ka Pulang hangaway nga

naarmasan sang mataas nga kalibre nga mga riple, eksplosibo nga iya ginahimo gikan sa simple nga mga materyales, kag ang iban nga sandigan nga hinganiban nga kakumbina sang binangon, pana, bangkaw kag tanan nga sahi sang hinganiban nga ginauyatan sang pumuluyo nga mahimo magamit sa gerilya nga operasyon. May yara ini baseng masa nga nagalabot sa pila ka milyon ka pumuluyo sa bug-os nga pungsod. Tubtob nga nagasubay kita sa husto nga estratehiya kag taktika, sigurado nga magapadayon pa kita nga magadaku kag magabaskog.

Wala sang kakapoy nga nagapakig-away ang BHB sa nagligad nga sobra 54 ka tuig. Bisan pa nagtubo ini sang daku, ang balanse sang pwersa nagpabilin nga mas pabor sa kaaway. Sa sini nga halintang sang inaway banwa, dapat ini padayon nga magpabaskog, magpalapad kag magkonsolida sang iya mga larangan gerilya, magtukod sang mga gerilyang platon kag kumpanya, nga katimbang ang mas dalagku nga numero sang yunit sang milisya sang banwa nga ginasuportahan sang pipila ka libo nga grupo sang yunit pandepensa-sa-kaugalingon sa kaumhan. Ang katungdanan amo ang paglunsar sang lapnagon kag masingki nga gerilyang pagpakig-away base sa nagalapad kag nagadalum nga baseng masa.

Mabakod nga nagsulong kag ginpanginbabawan sang BHB ang tanan nga disbentaha kag kapaslawan sa tanan nga halintang sang kasaysayan. Ginpaslaw sini ang sunud-sunod nga kampanya sang kaaway nga pagpalibot kag pagsugpo, gikan sa Oplan Prophylaxis, Task Force Lawin (Tarlac), Oplan Saranay (Isabela) kag masunod nga oplan (*operation plan*) sang AFP sa katorse ka tuig nga martial law sa idalum sang diktaduryang Marcos, nga ginatawag nga, Oplan Katatagan kag iya kapareho nga Oplan Cadena de Amor sa Southern Tagalog; subong man Oplan Lambat Bitag I kag II kag ang notoryos nga Oplan Thunderbolt sa Isla sang Negros sa ida-

lum sang una nga Aquino nga rehimen; Oplan Lambat Bitag III kag IV sa idalum sang rehimen Ramos; Oplan Gordian Knot kag Oplan Makabayan sa idalum sang rehimen Estrada; Oplan Bantay Laya I kag II sa idalum sang rehimen Arroyo; Oplan Bayanihan sa idalum sang ikaduha nga rehimen Aquino; kag Oplan Kapayapaan kag Oplan Kapanatagan gikan sa rehimen Duterte hasta sa subong nga rehimen Marcos.

Sa taga ka kampanya, ginakombina sang kaaway ang mga operasyon saywar, inteledyens kag kombatan agud wasakon ang baseng masa sang hukbo sang pumuluyo kag pwersahon ini nga mabutang sa kahimtangan nga lunsay militar agud lubos nga masakmit sang kaaway ang superyoridad sini sa numero, mga armas kag kagamitan. Sadto pa man kag subong, ang kaaway nagadeploy sang pila ka libuan nga pasintang tropa agud magkonsentrar kag magkuha sang lugar nga nagsakup sang isa o pila ka larangan gerilya sang BHB sa anuman nga higayon. Apang, mahimo lamang niya ini paagi sa pagbiya sang malapad nga lugar kon sa diin ang BHB makabalhin, makapatuman sang hilikuton masa, makalunsar sang taktikal nga opensiba kag maghimo sang punto sang inisyatiba sa pagpatuman sang pulitikal nga pang-militar nga paghimakas.

Ang masami nga yabe amo ang tayuyon nga magpalapad kag magpadalom sang angtanay ang mga yunit sang BHB sa malapad nga masa sang mangunguma agud makaangkon sang nagakaigo nga espasyo para sa gerilya nga pagmaniobra. Sa aktibo nga pagpakigbato sang organisadong masa, kag pagtago nila sang mga pwersang gerilya, mapaslaw naton ang paninguha sang kaaway nga magkonsentrar sang iya pwersa sa aton magamay nga pwersa, kag himuon siya nga bulag kag bungol, kag mapilitan siya nga uyan ang iya kusog kag resorsa paagi sa pagpasumbag sa iya sa hangin, nga amo ang makapaluya sa iya. Ginapukaw, ginaorganisa kag ginapa-

hulag sang Partido kag BHB ang masa sa kaumhan agud maglunsar sang kontra-pyudal kag pulitikal nga paghimakas batuk sa pasismo kag imperyalistang pagpangawat, ang magtukod kag maghanas sang mga milisya sang pumuluyo para maglunsar sang inaway gerilya sang pumuluyo agud iguon ang kaaway sa tanan nga bahin kag padug-on ini sa madamo nga pilas.

Ang pagpreserba kag pungsodnon nga pag-uswag sang BHB sa lima na ka dekada nga pagpakig-away ang maathag nga nagapakita sang kahustohon sang estratehiya kag taktika nga gintalana sang Partido sa paglunsar sang pangmalawigon nga inaway banwa sa Pilipinas. Ginakonsidera naton ang pisikal kag pangkatilingban nga kahimtangan sang pungsod, kag kon paano posible kag kakinahanglanon nga maglunsar sang inaway banwa halin sa kaumhan nga nagapanguna nga agraryo kag atrasado nga sa diin nagapuyo ang kadam-an sang pumuluyong Pilipino.

Nakita naton ang tayuyon nga pagtubo gikan sa iya pagkabata. Nahimo naton nga paslawon ang mga kampanya nga “puksion ang nagpanalingsing” (“nip in the bud”) sang una nga US-Marcos nga rehimen paagi sa masingki nga paglunsar sang gerilyang pakig-away kag madinalag-on nga pulitikal kag militar nga mobilisasyon sang pumuluyo.

Nahimo sang Partido nga pandayon ang hukbo sang pumuluyo nga may mataas nga disiplinang bugos ang determinasyon kag nagatindog sa kaugalingon. Paagi sa pagtukod sang BHB sa bug-os nga pungsod, una sa mga mayor nga isla kag sang ulihi sa iban nga magagmay nga mga isla, nahimo naton nga panginbabawan ang panugod nga disbentaha sa pagpakig-away sa gamay nga pulo-pulo nga pungsod kag nahimo ini sa aton bentaha. Natulod naton ang kaaway nga bahin-bahinon ang iya pwersa kag ilapta sa nagkalain-lain nga isla. Napangibabawan naton ang panugod nga ka-

budlayan sang gamay kag bulnerable nga pwersa paagi sa pagpapisyon sa mga yabe nga mabukid nga tereyn sa mga dulunan nga lugar nga nagasakup sang pila ka probinsya kag sang ulihi magpalapad padulong sa matawo nga bungyod kag patag. Paagi sini, naduso naton ang kaaway nga laptahon sang manipis ang iya pwersa sa malapad nga kaumhan.

Natago nga may suporta sang populasyon sang tumandok kag imol nga settlers, epektibo nga nagamit sang BHB sa iya bentaha ang bukiron nga tereyn nga may madabong nga lasang bilang pisikal nga base para sa paghanas, konsolidasyon, pagplano kag lunsaran sang mga hilikuton sa propaganda, pagorganisa kag pagpahulag sa mas matawo nga lugar sa tiilan sang bukid, patag kag higad suba nga mga komunidad, higad baybay kag sentrong banwa sa mga dulunan nga mga probinsya.

Paagi sa pagsulundan sang sentralisado nga pagpamuno kag desentralisado nga operasyon, nakapatuhaw ang Partido kag BHB sang rehiyunal, sub-rehiyunal nga larangan nga mga kadre kag mga kumander nga mataas ang kalidad. Bug-os ang ila ikasarang nga pamunuan ang mga rebolusyonaryong pwersa sa idalum sang ila sakup, kag tayuyon nga ipatigayon ang mga operasyon bisan pa man pilion sang kaaway nga konsentran ang ila mga erya.

Napreserba kag napa-uswag sang BHB ang iya nga pwersa. Gikan sa armado nga tim pampropaganda, kag gagmay nga yunit gerilya, nakatukod ini sang mga platon kag kumpanya, kag nakatukod sa maabot sa 128 ka larangan gerilya sa bug-os nga pungsod. May epektibo nga kumand kag koordinasyon ang BHB sa mga yunit gerilya tubtob sa rehiyunal nga lebel, kag nakalunsar sang koordinado nga kampanya sa pungsodnon lebel batuk sa kaaway.

Samtang madasig nga naglapad kag nagdako ang BHB sadtong 1980, may pila ka mga traydor ang naglu-

bag sa sandigan nga prinsipyo kag paganalisa sang Partido, kabahin na ang sandigan nga estratehiya kag mga taktika sang inaway banwa. Gintorse ang paganalisa sang pagka mala-kolonyal kag mala-pyudal nga sistema sang Pilipinas, kag ginduso nga mas manginbabaw na ang kasyudaran kaysa sa kaumhan, bulag nga ginagamit ang mga estadistika sang gobyerno. Ginpalapnag ang kabutigan nga ang Pilipinas nanging kapitalista na sa idalum ni Marcos paagi sa iya ginatawag nga “11 industriyal nga mga proyekto,” nga nagtago sa kamatuoran nga ang ekonomiya nagpabilin nga agraryo, atrasado kag pre-industriyal. Ginhi-mo ini nga basehan sa pagpahigad sang sandigan nga mga prinsipyo sang inaway banwa, kag pagduso sang linyang “insureksyon urban” nga ginasuportahan kag kakumbina sang wala sa panahon nga regularisasyon sang mga BHB kag paglunsar sang indi nasustini nga mga opensi-ba paagi sa adbenturistang militar nga ginduso sang 1983-1984 kag 1987-1988.

Gintukod ang tubtob sa 36 ka kumpanya kag duha ka batalyon sang lubos panahon nga yunit pangaway sang BHB, una sa Mindanao, kag sang ulihi sa bug-os nga pungsod, nga nagtuga sang madasig nga pagbuhin sang numero sang mga yunit sa hilikuton masa, kag pagkitid sang baseng masa kag lugar nga sakup sang mga larangan gerilya. Ginkuha ang kumprehensibo nga hilikuton sang mga platons kag iskwad sang BHB, matapos nga ginpagamay ang ila katungdanan bilang mga yunit pangserbisyo sa mga sobra nga nagakonsentra nga mga kumpanya sang BHB. Nangin kitid kag nabaw ang baseng masa. Nakakuha sang mga dramatikong apang naghaliit sa kaugalingon nga mga kadalagan militar ang mga kompanya sang NPA, nga sa ulihi napamatud-an nga temporaryo lang nga kadalagan. Dako ang kabaylo sang paglutos sa tig-a nga mga target. Magaburon sa dalayon ang ini nga mga kadalagan tungod nabutang ang BHB sa sitwa-

syon nga labaw ang kaaway, nga gilayon nagdeploy sang mas dalagkuan nga pwersa batuk sa konsentradong yunit sang BHB, nga nangin bulnerable tungod sa pagbuhin sang baseng masa. Natulod sang kaaway ang konsentradong kumpanya sang BHB sa pusisyon sang pagkaligwin kag pagkapisibo, kag nagbuhi sang kampanya sang mapintas nga pagsugpo batuk sa baseng masa, mga lokal nga sanga sang Partido sa lokalidad kag mga organisasyon masa.

Nag-agum sang wala tupong nga kapaslawan ang Partido, BHB kag mga rebolusyonaryong pwersa tungod sa adbenturismo militar kag kumbina ang insureksyunismo sa kasyudaran. Ginpalala pa gid ini sang isterya nga gintuga sang kampanya agud bunuton ang kaaway nga “deep penetration agents” nga kuno madamuan nga nakasulod sa kubay sang Partido, sang BHB kag sang rebolusyonaryong masang organisasyon, kag kon diin ang mga kalutosan military diri ginpasibangud. Naupod diri ang makawasak nga Kampanyang Ahos sa Mindanao kag kapareho nga makawasak nga kampanya sa iban nga rehiyon, kon sa diin ginatos nga kadre sang Partido, Pulang Hangaway kag mga aktibista ang ginpang-tortur kag ginpamatay sang mga militarista nga lampingasan tungod lamang sa mahuyang nga basehan kag wala sang maid-id nga ebalwasyon sang ebidensya kag makatarungan nga pagbista. Bilang resulta sang sini nga wala tupong nga kalutosan, ang rebolusyon na-

balik sa 1984 nga lebel.

Ginlunsad sang ika-10 nga plenum sang Komite Sentral ang Ika-duha nga Dungganon nga Kahublagan Panadlong (1992-1998) agud tatlunon ang mga kasaypanan sang adbenturismong militar kag insureksyonismong syudad kag liwat pabakuron ang mga sandigan nga prinsipyo sang Partido, ang husto nga pag-analisa nga mala-kolonyal kag mala-pyudal nga kinaiya sang katilingban Pilipino, ang programa sini para sa demokratiko nga rebolusyon sang banwa paagi sa pangmalawigon nga inaway banwa kag iya kontra-rebisyunista nga panindugan. Ginpataas sini ang teoritika nga kinaalam kag ginhakos ang Marxismo-Leninismo-Maoismo paagi sa kahublagan pagtuon kag kampanya nga sumahon ang mga inagihan kag athagon ang kumprehensibong rebolusyonaryo nga katungdanan. Dalagkuan nga kadalagan ang naagum sa pang-ideolohikal, pulitikal kag organisasyunal nga patag nga nangin basehan agud tayuyon, solido kag tanan nga bahin nga makapabaskog ang Partido kag tanan nga rebolusyonaryo nga pwersa. Ginhan-ay sang Partido ang linya sang sangkad kag masingki nga inaway gerilya base sa nagalapad kag nagadalom nga baseng masa. Liwat nga gin-deploy sang BHB ang mga yunit sini agud hatagan tum-ok ang hilikuton masa kag pagbawi sang nadula nga mga teritoryo, makahas nga makapalapad kag magkonsolida sang iya nga baseng masa.

Matapos pabaskugon sang kahublagan panadlong, ginpanginbawan sang mga laranagn gerilya sang BHB ang kontra-insurhensya nga kampanya sa idalom sang rehimen Ramos nga may kinaiya sang baskog nga operasyon saywar kag opensiba militar, amo man ang halos napulo ka tuig nga mapintas nga pagsugpo sa idalum sang rehimen Arroyo. Napabaskog sang mga rebolusyonaryong pwersa mangin ang mga lugar nga ginlunsaran opensiba sang kaaway. Kung sa diin napalapad kag napadalom ang baseng masa, indi mahimo sang kaaway nga magkonsentra sang pwersa sini sa isa ka lugar nga wala ginapabay-an ang mas malapad nga lugar para makabalhin ang BHB, Magtigayon sang ahitasyon pampulitika, pagorganisa kag pagpahulag sa masa kag para makapabaskog sa kaugalingon.

Sa pangkabilugan, mabakod kag pasulong ang BHB halin 2005 tubtob 2016. Sadtong 2009, nagpagwa ang Komite Sentral sang panawagan nga pasingkion ang mga taktikal nga opensiba, nga may katuyuan nga kumpletuhon ang mga rekisito sang tunga-tunga nga halintang sang estratehikong depensiba kag magidog na sa abanteng halintang kag padulong na sa ganhaan sang estratehikong pagkapatas. Sa pagtan-aw sang Partido, may kritikal nga kusog ang BHB para sa madasigon nga pag-abante.

Ang deklarado nga katuyuan sang Oplan Bayanihan sang rehimen Aquino (2010-2016) nga wasakon ang BHB, ginpaslaw sang BHB nga sa pangkabilugan nakapabilin sang iya pwersa kag nag-agum sang markado ng pagsulong sa pila ka rehiyon, partikular sa Mindanao. Subong man, kinahanglan atubangon sang hukbo sang pumuluyo ang problema sang sobra ka lapta o dispersal sang mga iskward ukon tim sa pagdali nga masakop sang gamay nga pwersa ang dako nga erya. Nagtuhaw man ang kabaliskaran nga problema sang pagpakitid sa kaugalingon kon sa diin nagtalana sang dulonan ang mga yunit sang BHB



sang limitado nga erya sang paghulag nga nagtuga sang problema sa pagkadula sang inisyatiba kag konserbatibong militar. May yara man sobra nga disbalanse sa madasig nga paglapad kag pag-abante sa pila ka bahin, samtang napundo kag nag-angkon sang kapaslawan sa iban nga bahin.

Sang 2017, ginmanduan sang US ang AFP nga maglunsar sang sustenido nga mga kampanya sang pag-insirkulo kag pagsugpo (ginatawag nga “focused military operations”) batuk sa mga yunit sang BHB sa bug-os nga pungsod. Sa sulsol sang gobyernong Trump sang Oktubre sadtong tuig, gindeklarar sang anay presidente Rodrigo Duterte nga “terorista” ang PKP kag BHB agud mapahanugutan ang gobyernong US nga makapasulod sang daku nga palapaw nga pundo padulong sa AFP paagi sa Operation Pacific Eagle-Philippines sa idalum sang “overseas contingency operations” sang US State Department. Sugod sadto, ginpadasig sang AFP ang iya “modernisasyon nga programa” nga nagtum-ok sa pagbakal sang mga pang-atake nga helikopter, drones, jet fighters, bombs, howitzers, machine guns, automatic rifles kag iban pa nga hinganiban para sa kontra-gerilya nga mga operasyon.

Kabaylo sa mabug-at nga tuigan nga gasto militar, gindugangan pa sang indi magnubo sa 10 ang numero sang mga batalyon sang AFP (ginabulubanta 4-5 libo ka tropa) nga nag-abot sa kabilugan nga 150 batalyon sang militar kag pulis nga naga-atubang sa BHB. Ang katuyuan sang AFP (sugod pa sang Oplan Bayanihan) amo ang mag-deploy sang indi magnubo sa isa ka batalyon batuk sa kada larangan gerilya sang BHB agud masubsob ang mga barangay nga gina-suspetsahan nga nagahatag sang pulitikal kag materyal nga suporta sa mga BHB. (Ginpalapad pa ang operasyon sini mangin ang mga sentrong syudad kag banwa kon sa diin target sang pampolitika nga pagpangsugpo ang mga unyon sang mamumugon, asosasyon

sang komunidad kag organisasyon sang mga unibersidad.) Apang bisan sa ila kadamuon, indi gihapon masarangan sang tropang pang-away sang AFP nga plastaran ang bug-os kalaparon sang erya para sa gerilya nga pagmaniobra sang mga yunit sang BHB kung sa diin makahimo ini sang inisyatiba para sa hilikuton masa kag paglunsar sang mga taktikal nga opensiba. Ang mga tropa sang kaaway nga naga-okupa sa ini nga mga barangay ang nangin target sang mga taktikal nga opensiba sang mga platon sang BHB kag mga lokal nga yunit milisya.

Ang sustenido nga opensibang militar sang kaaway sugod sang 2018 ang una nga nag-target sang mga reghiyon sang Southern Mindanao, Northeast Mindanao, North Central Mindanao (nga sa sining panahon ang bug-os nga Mindanao ginpaidalum sa *martial law*) kag Bicol; Eastern Visayas kag Negros (mga rehiyon nga ginpaidalum sa gahum militar paagi sa Memorandum Order 32). Ginbuhian sang AFP ang pinakalala nga dagway sang pasista nga kapintas batuk sa mga masang mangunguma, upod na ang grabe nga pagpamahog, pagpang-ipit, ilegal nga pagpang-aresto, tortyur, pagpanglugos, patarasak nga pagpangguba sang mga propyedad, abdaksyon kag *enforced disappearance, extra-judicial killing*, masaker kag koordinadong madamuan nga pagpamatay. Sa idalum sang iya ginatawag nga “pagpang-sungka” nga panawagan, ang pumuluyo gina-akusahan nga tig-suporta sang BHB nga wala na ginapaagi sa hustisya nga proseso. Ang bug-os nga mga komunidad ginpaidalum sa pagkoral (*hamlet*) kag nasumalang ang terorismo sang estado. Ginagamit nga baraks sang mga pasistang tropa ang mga *community hall, clinic*, pasilidad pang-isport kag iban pa nga sibilyan nga pasilidad nga ila baraks; nag-imposar sang curfew, pagpugong sang pagkaon kag pang-ekonomiya kag iban pa nga restriksyon nga nagtuga sang grabe nga kabudlayan sa pumuluyo;

nagpatuman sang pagpanganyon kag pagpanghulog sang bomba malapit sa mga matawo nga sentro, ulumhan kag lasang.

Sa kabug-usan, paslaw ang lima ka tuig nga kampanya nga pag-insirkulo kag pagsugpo sang AFP agud lab-uton ang deklarasyon sa katuyuan sini nga dugmokon ang BHB. Sa pila ka rehiyon, napabilin ukon nag-saka ang kadamuon ang mga Pulang hangaway, kag padayon nga nagapatuman sang mga taktikal nga opensiba batuk sa mga pasistang tropa sang kaaway. May pila ka rehiyon ukon larangan gerilya nga nag-agum sang mga kahalitan ukon signipikante nga pag-atras tungod sa pipila ka internal nga kahuyangan kag kakulangan.

Nagapanawagan ang pamunuan sang Partido nga sumahon ang mga inagihan sang nagligad nga lima kag 25 ka tuig agud makuhaan sang bilidhon nga leksyon sa pagpasulong sang demokratiko nga rebolusyon sang pumuluyo paagi sa pangmalawigon nga inaway banwa. Maukod nga nagatuon ang mga kadre sang Partido kag Pulang hangaway sang Marxismo-Leninismo-Maoismo, mga sandigan nga dokumento sang Partido upod na ang Ang Aton mga Gilayon nga Katungdanan, Partikular nga Kinaiya sang Aton Inaway Banwa, Tادلungon ang mga Kasaypanan kag Tukuron Liwat ang Partido, Palig-unon Liwat ang Aton Sandigan nga Prinsipyo kag Tادلungon ang mga Kasaypanan kag iban pa, agud matumod ang mga ideolohikal, pulitikal kag organisasyunal nga ugat nga kabangdanan sang pila ka mga problema sa pila ka mga rehiyon.

Sa nagligad nga 54 ka tuig, naglunsar ang kaaway sang sunod-sunod nga kampanya sang insirkulo kag pagsugpo nga may pareho nga kinaiya sang atake batuk sa baseng masa (“*clear-hold-consolidate*”) agud ihamulag kag mapilitan ang mga yunit sang hukbo sang pumuluyo sa lunsay militar nga sitwasyon. Ang kalaparon, kasunson kag mga taktika sang mga kampanya nga ini ang nagabag-o sa pagligad sang pa-

nahon apang nagpabilin sandigan nga kinaiya.

Sa pihak nga bahin, liwat nga ginapakita sang Bagong Hukbong Bayan ang ikasarang sini nga paslawon ang kampanyang militar sang kaaway kag ilabi pa nga nakapabaskog paagi sa pag-aplikar sang taktika sang gerilya nga pakig-away sang paglapta, pagbalhin kag konsentrasyon. Agud makalikaw sa insirkulo sang kaaway, ang nagapanguna nga pwersa (ukon main body) sang isa ka yunit sang BHB ang maka-atras, maka-deploy sang tims agud mangisnayp ukon makapang-ambush batuk sa naga-atake nga kolum sang kaaway, kag magbalhin agud magpalapad sang erya para sa hilikuton masa. Samtang nagakampo kag naga-okupa sang kaaway ang lugar, ginatun-an sang BHB kag mga lokal nga yunit sang milisya ang deployment kag kinaiya sang operasyon sang mga yunit sang kaaway agud puntingon ang mga huyang nga bahin sini (linya sang suplay, nagabantay sa perimetro, nagapatrolya nga yunit) nga mahimo maigo sang taktikal nga opensiba. Sa kaugalingon nga inisyatiba ukon kakumbina sang yunit sang BHB nagapatuman sang sangkad nga gerilya nga operasyon sa likod sang kaaway ukon mga aksyon pagsilot sang mga partisano ukon yunit sa espesyal nga operasyon batuk sa mga instalasyon, yunit ukon tinawo. Kadungan sini, mahimo makoordina sang kumand sang BHB sa rehiyunal ukon subrehiyunal nga lebel ang mga yunit sang BHB sa iban nga larangan ge-

rilya agud maglunsar sang napanahon nga taktikal nga opensiba agud buligan ang mga larangan gerilya nga ginalagas, kag agud makapabaskog sa ila kaugalingon.

Sa pagsuma sang aton mga inagihan, ilabi na sa nagligad nga lima ka tuig, dapat magiyahan kita sang Marxismo-Leninismo-Maoismo, sang unibersal nga mga prinsipyo sang gerilya nga pakig-away, subong man sang estratehiya, mga taktika kag partikular nga mga pagtulunan gikan sa aton mismo inagihan sa nagligad nga lima ka dekada nga paglunsar sang pangmalawigon nga inaway banwa. Dapat naton nga matuod kag pangibabawan ang aton mga kahuyangan, kakulangan, kag kasaypanan nga naglimita sang aton ikasarang sa paglunsar sang lapnagon kag dasuk nga gerilyang pakig-away sa basehan nga nagalapad kag nagadalom nga baseng masa sa nagligad nga pila ka tinuig; nagpugong sa pagkumbina naton sang armado nga paghimakas, rebolusyon agraryo kag pagtukod sang baseng masa; subong man nagpugong sa pagduso naton nga pataason ang lebel sang rebolusyonaryong kahublagan masa sa syudad man o kaumhan.

Sa partikular, dapat naton kumprehensibo nga atubangon kag ugaton ang masunod nga kinahanglan tumuron nga mga problema sa sakup sang paglunsar sang rebolusyonaryo nga armadong paghimakas: (a) pagpakitid sang kaugalingon sang pila ka yunit sang BHB, (b) kaisipan nga mountain stronghold kag lagawan nga rebilde nga tendensya

kag iban pa, (c) kapaslawan sang pila ka larangan gerilya nga magpalapad sa mas matawo sa tiilan sang bukid, patag, komunidad sa higad suba kag higad baybayon, (d) manubo nga tantos sang anihilatibo o sandigan nga taktikal nga opensiba, (e) pagnubo sa isip sang mga armas nga naagaw gikan sa kaaway, (f) mahinay nga pagpalapad kag pagkonsolida sang baseng masa, (g) kulang sang napanahon nga pagpanalawsaw kag pangkatilingban nga pag-imbetiga sa mga problema nga naga-apekto sa kadam-an nga isip sang pumuluyo sa aton mga erya, (h) manubo nga lebel sang propaganda kag hilikuton pagpukaw, subong man ang pag-organisa kag pagpahulag sa malapad nga masa sang mangunguma sa kontra-pyudal kag kontra-pasista nga paghimakas, (i) kulang sa latag sang gerilyang pakig-away ilabi na sa likod sang kaaway, kag ang kapaslawan nga papagsikon kag buy-an ang inisyatiba sa pakig-away gerilya sang mga yunit milisya kag mga yunit pangdepensa-sa-kaugalingon, (j) paglimita sang kusog kag sakup sang hilikuton sang Partido sa pag-organisa kag pagpahulag sang pumuluyo base sa kusog sang BHB, kag iban pa nga mga problema.

Bug-os ang determinasyon sang Partido kag tanan nga rebolusyonaryong pwersa nga atubangon, resolbahon kag pangibabawan ang ini nga mga problema agud epektibo nga pamunuan ang malapad nga pumuluyong Pilipino sa ila pang-ekonomiya kag pulitikal nga paghimakas batuk sa pasista nga rehimen US-Marcos, pabaskugon ang rebolusyonaryong kahublagan masa sa kasyudaran kag kaumhan, isulong pabante ang pangmalawigon nga inaway banwa paagi sa lapnagon kag dasuk nga gerilyang pakig-away base sa nagalapad kag nagadalom nga baseng masa, kag pagpa-abante sang demokratikong rebolusyon sang banwa agud malab-ot ang handum sang pumuluyo para sa matuod nga pungsodnon nga kahilwayan kag demokrasya.



Pasagrabon kag ilapnag ang kalayo sang pangmalawigon nga inaway banwa

DETERMINADO ANG PARTIDO nga pamunuan ang Bagong Hukbong Bayan kag ang malapad nga masang Pilipino agud pasagrabon kag ilapnag ang kalayo sang pangmalawigon nga inaway kag pakig-away gerilya.

Dapat padayon nga pabakuron sang Partido ang kaugalingon sa ideolohiya, pulitika kag organisasyon, kag pabaskugon ang absoluto nga pagpamuno sa BHB. Dapat nga him-uson subong nga tuig ang pagsuma sang mga inagihan sang nagligad nga lima kag 25 ka tuig. Dapat maukod nga magtuon kag magbalik-tuon ang mga kadre sang Partido kag kumander sang BHB sa mga sandigan nga dokumento sang Partido, mga dokumento sang IDKP, mga klasiko nga sinulatan nga Marxista-Leninista-Maoista, kag sang mga inagihan sa pagsulong sang inaway banwa kag pakig-away gerilya sa China kag Vietnam.

Dapat nga planohan ang kumprehensibo nga pagpalapad kag pagpabaskog sang aton mga larangan gerilya agud langkubon ang bug-os nga kalaparon kag kadalumon sang pisikal kag sosyal nga ter Reyn, kakumbina ang lasangon nga kabukiran kag mountain ranges, tiilan sang bukid, patag, kag mga komunidad sa higad suba kag higad baybay, tubtob sa mga sentrong banwa. Sa diin man maghulag ang BHB, dapat sini ipatuman ang programa sang Partido sa reporma sa duta agud mahiusa ang malapad nga masang mangunguma, subay sa linya sang kontra-pyudal nga nagahiliugyon nga prente. Dapat tukuron ang mga organisasyon masa agud mangin katimbang sa pagpatuman sang pagpanubo sang arkila sa duta kag porsiyento sa interes sa mga utang, pagpasaka sang sweldo sang mga mamumugon sa uma, pagpataas sang produksyon kag pagpalapnag sang dugang nga trabaho (sideline occupation) agud mapataas ang kita, pagtipon sang kusog-pangabudlay kag duta pa-

ra sa kolektibong pagpanguma, kag iban pa. Dapat nga tukuron ang sang Partido kag ipatapo ang mga abante nga elemento sa kubay sang mga mangunguma nga napukaw sang mga paghimakas sa reporma sa duta. Dapat nga tukuron kag papagsikon ang milisya sang pumuluyo kag mga yunit pangdepensa-sa-kaugalingon para maglunsar sang inaway gerilya kag maghikot sang iban pa nga katungdanan militar.

Dapat padayon nga pabaskugon sang Partido ang organisasyon sang Bagong Hangaway sang Banwa agud ibutang sa kumand sini ang rebolusyonaryong pulitika sa tanan nga panahon. Dapat naton pataason ang teoritikal nga kinaalam kag ideolohikal kag pulitikal nga kamuklatan sang mga kadre sang Partido kag mga kumander sang BHB kag Pulang hangaway. Dapat naton dugang nga pataason ang espiritu sang bug-os taguipusoon nga pag-alagad sa pumuluyo, kag sang pagsalig kag pagsandig sa masa. Dapat naton pataason ang determinasyon sang tanan nga Pulang kumander kag mga hangaway sang BHB nga makig-



away kag determinasyon sa uboskusog nga i-abante ang rebolusyonaryong kawasa.

Dapat naton ipaseguro ang husto nga deployment sang pwersa sang BHB agud tum-okan sang tayuyon ang pabalud-balud nga pagpalapad kag konsolidasyon sang baseng masa. Dapat may maathag nga plano ang mga kumpanya kag platon para sa pagpasangkad, pag-rekober kag konsolidasyon sa isa ka gintalana nga panahon.

Dapat naton likawan ang dalgu nga konsentrasyon sang tropa sa malawig nga panahon kag tadlungon man ang tendensya nga absoluto nga pagkonsentra sang mga platon sa tanan nga panahon, nga naglimita sa ikasarang nga mangin mahulagon, nakaupang sa ila malab-ot kag inisyatiba, maghimo sa ila nga mangin pasibo sa atubang sang mangingki nga pokus nga operasyon militar, kag gani mahimo sila nga mangin bulnerable sa temprano nga pagtumod sang kaaway, kag sa pagtumod nga mga atake kag air strikes. Sa pihak nga bahin, dapat man naton tadlungon ang tendensya sang sobra nga pag-dispers kag sobra nga pagkainat sang iskwad kag tims sa handum nga lab-uton ang mas sangkad nga erya para sa pagrekober kag pagpalapad. Kon wala sang hugot nga kontrol kag husto nga direksyon gikan sa ila mayor nga yunit, kag sa atubang sang indi paborable nga sitwasyon, madali sila maubusan sang inisyatiba kag nagresulta sa pagkupasibo kung nagapangatubang sa mas baskog nga pwersa sang kaaway.

Dapat nga magpakahanas ang mga kumander sang kumpanya kag platon, kag mga kadre sang Partido sa arte sang husto nga paggamit kag pagdeploy sang mga tropa. Agud ipabilin ang pleksibilidad kag inisyatiba, mas maayo nga may yara sang relatibo nga konsentrasyon kag dispersal ang aton mga regular nga platon, kag likawan ang

absoluto nga konsentrasyon kag sobra nga dispersal. Dapat husto nga bahinon ang mga pwersa sang aton gerilya nga platon, nga nagalikaw sa absoluto patas nga pagbahin sang pwersa pangmilitar kag pampulitika. Dapat may yara nagapanguna nga pwersa nga magatindog bilang sentro de grabidad pangmilitar kag pulitikal, nga yara sa relatibo nga konsentrasyon (kon diin ang mga tims ang mahimo madasig nga ma-dispers kag tipunon) samtang ang mga iskwad kag tim nga yara sa relatibo dispersal (relatibo mas malayo ang distansya). Ang ini nga mga prinsipyo kag pamaagi ang aplikable man sa mga kampanyang gerilya.

Dapat naton segurohon nga permi may inisyatiba militar ang BHB kag ginkombina ang nagkalainlain nga tipo sang pormasyon kag operasyon gerilya. Mahimo i-deploy sang mga kumpaniya kag platon ang mga iskwad kag tim agud magtigayon sang ginagmay nga aksyon gerilya nga ginakoordina sa mga lokal nga yunit sa milisya kag tim pangdepensa-sa-kaugalingon. Mahimo manduan ang mga partisan kag espesyal nga yunit nga magtigayon sang operasyon silot kag sabotahe sa likoran sang kaaway. Dapat maglunsar sang mga anihilatibo nga taktikal nga opensiba ang relatibo konsentrado nga mga yunit gerilya sa rehiyon kag subrehiyon batuk sa mga humok nga target ukon mahuyang nga bahin sang kaaway bilang mayor nga aksyon sa tunga sang lapnagon nga aksyon gerilya sang mga yunit sa hilikuton masa, mga milisya, kag mga pwersa pangdepensa-sa-kaugalingon.

Sa tanan nga lebel sang kumand, dapat magplano ang BHB nga maglunsar sang gagmay kag dalagku nga anihilatibong taktikal nga opensiba nga nagapasiguro sa pagkumpiska sang armas sang kaaway, kakumbina sa lapnagon nga atritibo kag pangsilot nga aksyon militar. Paagi sa pagpapas sang pwersa sang kaaway kag pag-agaw sang iya armas, mapasiguro ang tayuyon nga pagdako kag pagbaskog sang BHB.

Katimbang sang mga panlarangan gerilya nga yunit sang BHB, dapat nga tukuron ukon pabaskugon kag papagsikon sang mga lokal nga sanga sang Partido ang mga yunit sa milisya sang hangaway, pati na ang mga yunit pangdepensa-sa-kaugalingon sang mga lokal nga rebolusyonaryong organisasyon masa, agud ipatigayon ang lapnagon nga inaway gerilya sang pumuluyo. Magaserbe sila nga malapad nga base sang mga sandigan nga yunit gerilya sa larangan sang BHB. Dapat nga kuhaon sang mga ini ang inisyatiba nga gamiton ang tanan nga armas nga mahimo gamiton agud iguon ang kaaway sa tanan nga bahin, samtang nagapakig-koordina sa mga yunit milisya sa katupad nga baryo kag sa mga lokal nga yunit gerilya sang BHB.

Samtang ang Partido nagapamuno sa BHB, dapat athag man ang iya pagtan-aw nga sangkad ang pagpamuno sini, tungod ginapamunuan kag ginapabaskog man sini ang rebolusyonaryong kahublagan masa sa kasyudaran kag kaumahan, ang pagtukod san nagahiliugyon nga prente kag pa nga patag sang rebolusyonaryong hilikuton. Ang kumprehensibo nga pagpamuno sang Partido ang indi nagakaangay nga italana sang malab-ot sang BHB ukon limitado sa kusog sini. Ginatukod sang Partido ang BHB, kag kung sa diin nga wala pa ini natukod o ma-deploy ang hangaway sang pumuluyo, nagatukod ang Partido sang mga komite nga pangteritoryo sa probinsya, distrito, syudad kag banwa, kag nagatukod sang nagkalainlain nga tipo sang organisasyon agud pukawon, organisahon kag pahulagon ang pumuluyo.

Dapat pabaskugon sang Partido ang rebolusyonaryong kahublagan masa sa kaumhan kag pamunuan ang malapad nga masang mangunguma sa paglunsar sang lapnagon nga kontra-pyudal kag kontra-pasista nga paghimakas. Dapat man nga tukuron sang nagapamuno nga komite sang Partido sa lebel sang larangan kag rehiyon ang ginakina-

hanglan nga makinarya kag hanason ang mga kadre kag aktibista para magtigayon sang pang-masa nga pag-organisa kag mobilisasyon. Dapat tukuron ukon liwat nga ibangon ang sandigan nga rebolusyonaryong organisasyon masa sang mga mangunguma, kababaenhan, pamatanon, mamumugon pangkultura kag kabataan. Ang mga organo sang gahum pampulitika ukon sang mga Komiteng Rebolusyonaryo sa Baryo ang dapat nga tukuron sa pundasyon sang organisadong kusog sang masa, sang Partido kag sang hukbo sang pumuluyo.

Dapat maghimo kita sang pagpanalawsaw kag sosyal nga imbestigasyon agud tumuron ang nagapanguna nga manipestasyon sang pyudal kag mala-pyudal nga pagpanghimulos sa pumuluyo kag ang tingkad nga mga isyu nga nagatuga sang pag-antus sa mayoriya sang pumuluyo. Dapat naton ipatuman ang propaganda kag ahitasyon agud mapasaka ang pulitikal nga kamuklatan kag militansya sang pumuluyo, kag maglunsar sang kampanyang masa agud hiusahon ang pinakadaku nga isip sang pumuluyo.

Dapat nga ilunsar ang mga paghimakas masa para mapahulag ang daku nga numero sang masang mangunguma agud iduso ang ginapangayo nga panubuan ang arkila sa duta kag interes sa utang batuk sa despotiko nga agalon may duta, manug-agaw duta batuk sa mga despotiko nga agalon mayduta, pagpang-agaw sang duta kag usurero. Dapat nga pukawon ang masang mangunguma, mga tumandok kag mga mangingisda para batuan ang lapnagon nga neo-liberal nga pagpang-agaw sang ila palangabuhian sang real estate nga mga kumpaniya, plantasyon, kumpaniya sa mina, inprastruktura, subong man ang mga proyekto nga reklamasyon. Dapat naton pukawon ang malapad nga masa pamatukan ang brutal nga taktika sang terorismo sang estado, kag mabuyagyag ang athag nga angtanay sang pasistang pagsugpo sa mga neoliberal nga patakaran kag

programa sa ekonomiya nga ginapamtaman sang rehimen Marcos.

Dapat naton pabaskugon ang pagpamuno sang Partido sa rebolusyonaryong kahublagan masa sa kasyudaran kag kabanwahanan kag isulong ang mga paghimakas pang-ekonomiya kag pulitika sang masa, nga nagasugpon sang ila matag-adlaw nga paghimakas sa kontra-pa-

sista kag kontra-imperyalista nga paghimakas sang pumuluyo, pagtukod sang likom nga rebolusyonaryong kahublagan kag pagtukod sang daku nga isip sang sanga sang Partido. Dapat padayon kita nga magpatuhaw sang malapad nga suporta pampulitika kag materyal para sa armadong paghimakas. Dapat epektibo nga magrekrut kag maka-

hanas ang Partido sang mga mamumugon kag intelektwal nga mahimonia nga ibutang sa kaumhan agud magtungod sang mga hilikuton sa rebolusyonaryong kahublagan masaiya ma-deploy sa kaumhan agud mapatuman ang hilikuton sa rebolusyonaryong kahublagan sang mangunguma ukon sa hangaway sang pumuluyo.

Ilabi nga matambok ang duta para sa inaway banwa

GINAGATUNGAN SANG MADASIG nga paglala sang krisis sa pangkalibutanon nga kapitalista kag sang nagakadunot nga estado sang nagahari nga malakolonyal kag malapyudal nga sistema ang kakinahanglanon nga maglunsar sang pungsodnon demokratiko nga rebolusyon. Naga-antus ang malapad nga masa sang pumuluyong Pilipino tungod sa indi maagwanta nga dagway sang pagpigog kag pagpanghimulos. Sa pagpamuno kag giya sang Partido Komunista sa Pilipinas, mas determinado sila nga magbatu agud hilwayon ang pungsod gikan sa kamot sang imperyalismong US kag ang ido-ido nga nagahari nga sahi, kag lab-uton ang matuod nga pungsodnon nga kahilwayan kag demokrasya.

Ginbalay sa mensahe sang Komite Sentral sadtong Disyembre 26, 2022 ang nagapanguna nga kinaiya sang pangkalibutanon nga kahimtangan sang nagasingki nga banggiyanay sang mga sahi kag inter-imperyalista nga kagamo nga nagtuhaw gikan sa nagadalum kag nagalala nga krisis sang pangkalibutanon nga kapitalistang sistema. Nalubong gihapon sa krisis ang pangkalibutanon nga kapitalistang sistema nga may kinaiya sang sobra nga produksyon, nagasarurot nga tantos sang kita kag sa nagahabok nga krisis sa pinansya. Ang mga nagapanguna nga mga kapitalistang pungsod, lakip na ang US, nagaus-os na sa resesyon nga magapadayon sa pagdugay sang panahon sang pang-ekonomiya nga istagnasyon kag magatuga sang grabe nga pag-antus sa malapad nga masa sang pumuluyong anakbalhas sa bug-os nga kalibutan.

Nagabaskog ang kahangawa sang internasyunal nga pinansyal nga paglusno sang pinansya kapareho sadtong 2008 pagkatapos sang bag-o lang nga sunod-sunod nga paghagmak sang mga bangko kag pagkalusno sang Credit Suisse Bank sang Switzerland kag indi

magnubo sa tatlo ka bangko nga Amerikano (Silicon Valley Bank, Signature Bank, Silvergate Capital Corp) sa temprano nga bahin sini nga bulan, nga nagakinahanglan sang indi magnubo sa \$294 bilyon nga pondo agud masalbar, lakip na ang \$119 bilyon nga pondo nga ihatag sang gobyernong Swiss para sa bangko nga UBS bank agud baklon ang Credit Suisse. Ang paglusno sang sini nga mga bangko ang ginsundan sang 4.5% nga pagtaas sang tantos sa interes, nga pinakamataas sa nagligad nga 42 ka tuig, matapos nga walo ka beses ini nga gintulod sang US Federal Reserve sugod pa sadtong Marso 2022 sa tunga sang mataas nga implasyon. Nag-abot sa 85% sang mga bangko sentral ang nagsunod sa US sa pagpasaka sang interes nga ilabi pa nagpahinay sang pagpangapital kag produksyon.

Ginalauman nga magahinay pa tubtob sa 1.9% ang pagtubo sa pangkalibutanon nga ekonomiya gikan sa ginabana-bana nga 3% sadtong nagligad tuig. Ang ekonomiya sang US ang ginalauman nga magahinay padulong sa 0.4% nga pagtubo subong nga 2023 gikan sa pareho

kahinay nga 1.8% nagligad nga tuig. Naghulog ang United Kingdom sa resesyon sadtong 2022, kag natalana nga ilabi pa magakitid sang 0.8% subong nga tuig. Ang European Union ang ginalauman nga magtubo sang 0.2% lang gikan sa 3.3%; naghinay ang pagtubo sang China nga nagin 3% sang nagligad nga tuig, kag ginalauman nga magtubo sa 4.8% lang (gikan sa nauna nga target nga 6% tubtob 6.5%); samtang ang Japan magatubo sang syado ka gamay nga 1.5% gikan sa pareho nga hinay nga 1.6% nagligad nga tuig.

Sobra nga nakonsentra ang manggad sa kamot sang pipila ka monopolyo kapitalista. Sa US, ang kapitalista nga manggad ang sobra nga na-konsentra, kung sa diin 81% sang kabilugan nga kita kag 97% sang mga bili sang negosyo ang yara sa kamot sang nagapanguna nga 1% nga mga korporasyon; kag ilabi pa nga makamol sa nagapanguna nga 0.1%, nga nagabug-os lang sa 60% sang kabilugan nga kita, kag 88% sang bili sang negosyo. Ang pareho nga konsentrasyon sang manggad ang nagakahitabo sa UK kag European Union, Japan, China kag iban pa nga sentro ang kapitalismo. Ang proletaryo kag mga pumuluyo sa mga kapitalista nga pungsod ang naga-antus sa kawad-on sang trabaho, mataas nga presyo sang krusado, pagkaon kag iban pa nga nagapanguna nga balaklon, manubo nga sweldo kag nagalala nga kondisyon sa ekonomiya. Ang madasig nga paglusno sang kahimtangan pang-

katilingban ang nagtulod sa serye sang mga protesta sang mamumugon sa US, UK, France, Germany, China kag madamu pa nga mga pungsod. Nagalupok ang mga organisado kag ispontanyo nga welga sang mga mamumugon batuk sa manubo nga sweldo sa tunga sang nagataas nga presyo, sobra nga kawad-on sang trabaho, subong man ang pagpamatuk sa mapamigos nga kahimtangan sa pagtrabaho, pagbuhin sang pension, pagtaas sang edad sang pagretiro, paglapas sa mga kinamatarung kag iban pa nga mga isyu.

Nagbalhin na ang mga monopol-yong kapitalista nga mga pungsod sa nagingki nga proteksyunista nga tikang agud pangapinan ang ila mga ekonomiya gikan sa kumpetisyon, kadungan nga nagapaninguha nga pasangkaron ang sakop sang ila nga merkado, ginakuhaan sang hilaw nga materyales kag patag sang pagpangapital. Ang US, partikular, agresibo nga nagapatuman sang iya “kaayuhan base sa pagsulundan” sa pagpamatuk sini pagpasangkad sang ekonomiya sang China, nga indi malikawan nga maglab-ot sa kompetisyon sa baligyaanay kag pangapital, kag sa ulihi, sa limitado kag lapnagon nga mga gyera agud liwat nga bahinon ang kalibutan.

Ang US kag NATO padayon ang nagabubo sang binilyon dolyares nga balor sang mga armas nga may katuyuan nga palawigon ang subong isa na ka tuig nga gyera sa Ukraine, agud pahuyangon ang Russia, kag kuhaon ang lubos nga kontrol sa iya mga merkado, kag kuluhaan sang mga mineral, natural gas kag iban pa nga resorsa sa rehiyon sang Central European. Ginasulit subong sang imperyalistang US ang pareho nga dagway sang pagpahulag sa mga sunud-sunoran nga militar ukon gintawag nga “alyado” agud garitgariton ang China sa isyu sang pagpanag-iyang sa Taiwan kag ginapahigad ang madugay na nga tindog nga One China Policy, pareho man sa iya paggaritgarit sa Russia tapos sini talikdan ang pasalg sa pagpasegu-

ro sa seguridad sa daan nga Soviet Union sa idalum sang 1991 nga Minsk Agreement nga indi ini magpalapad “bisan isa ka pulgada padulong sa sidlakan.”

Mayoriya sa mga pungsod nga mga atrasado kag nagasalig sa dumuluong nga kapital kag baligyaanay ang gina-ipit sang hinay nga demanda para sa mga produkto nga semi-processed, sa partikular gikan sa China, ilabi na sa tunga sang sobra nga produksyon sang semiconductor kag elektroniko nga kagamitan. Nagapalumbaanay ang mga pungsod nga ini sa pagpanubo sang sweldo sang mga mamumugon para sa ila magkadto ang limitado nga pagpangapital. Samtang ang mga imperyalista mismo ang nagapatuman sang mga proteksyunista nga tikang, ginapugos naman ang neoliberal nga mga patakaran sa mga atrasado nga pungsod para ilabi nga buksan ang ila nga mga ekonomiya kag tugutan ang mga dumuluong nga mga kapitalista nga kawaton ang ila mga resorsa kag wasakon ang kinaiyahan. Gintulod sang lapnagon nga dislokasyon kag pagpang-agaw sang palangabuhian sang pumuluyo nga pangapinan ang ila kabuhi kag palangabuhian.

Ang pang-ekonomiya kag pampulitika nga krisis sang nagahari nga sistema sa Pilipinas padayon nga nagalala sa idalum sang ikaduha nga US-Marcos nga rehimen. Ang papet nga rehimen agresibo nga nagaduso nga ipatuman pa ang dugang nga mga patakaran neoliberal nga nagbutang sa masang anakbalhas sa mas grabe pa nga dagway sang pagpigis kag paghimulos. Gindingutan sang pagpanag-iyang kag gin-agawan sang palangabuhian ang masang mamumugon, mangunguma, mangingisda, tumandok, kag iban pa nga anakbalhas, tungod nga ang ila palangitan-an- halin sa mga depasahero nga dyip, tubtob sa Manila Bay kag iban pa nga palangisdaan, duta nga agrikultural kag duta sang mga tumandok kag iban pa, ang ginagaw sa ila sang mga imperyalista kag mga kasosyo nila nga dalgako

nga kumprador burgesyaya.

Ginaratsada sa subong sang nagahari nga rehimen Marcos ang mga paninguha agud amyendahan ang konstitusyon 1987, paagi man sa pagpili sang constitutional convention ukon pagtipon sang kongreso bilang constituent assembly. Katuyuan niya nga itukod ang neoliberal nga pang-ekonomiya kag dulaon ang pila ka probisyon sang konstitusyon sa Pilipinas nga tani magapangapin sa lokal nga ekonomiya. Dugang pa sa neoliberal nga mga katuyuan, tuyo man sang Marcos-Duterte nga dugang dominahon kag i-monopolyo ang gahum pampulitika sa pagkakas sang probisyon sa 1987 nga naglimita sa gahum para sa pagdeklarar sang laye militar, pagdumili sa nagapungko nga presidente nga magpadalagan para sa dugang pa ka termino, pagdumili sa armas nukleyar, pagdumili sa dumuluong nga tropa kag base militar magluwas sa iban pa. Sa pagduso sini, ginahangkat sang nagahari nga kahimbon ni Marcos ang protesta sang lapnagon nga patriotiko kag demokratiko nga mga pwersa sang pumuluyong Pilipino.

Padayon nga ginasulsulan sang imperyalista nga gobyerno sang US ang terorismo sang neokolonyal nga estado sa pag-armas kag pagpahulag sa mga papet nga tropa sini para maglapnag sang mapintas nga taktika agud pungan ang patriotiko kag rebolusyonaryo nga pagbatu sang pumuluyo. Sugod 2021, naghatag ini sang sobra \$2 bilyon nga bili sang armas kag bulig pangseguridad sa AFP kabahin ang mga pang-atake nga helikopter, military drones, jet fighters, mga bomba kag misayls. Ang gobyerno sang US mismo ang may direkta nga salabton sa lapnagon nga kampanya sang terorismo kag kapintas nga ginahimo sang rehimen Marcos kag sang mga armado nga ahente sini batuk sa pumuluyong Pilipino. Dugang pa, sa pakigkunsabuhay sa rehimen Marcos, aktibo nga ginaduso sang ang US ang plano sini nga magtukod sang apat ukon sobra pa ka mga base militar kag pasilidad sa Pilipinas, bilang ka-

bahin sa pagpang-andam sa teatro sang gyera batuk sa China. Ang estratehiko nga katuyuan sang imperyalistang US amo nga ipabilin ang pagka-atrasado, pre-industriyal kag agraryo sang pungsod kag pabakuron ang dominasyon kag kontrol sa pungsod.

Subong masobra pa kaysa sang una, handum sang pumuluyong Pilipino nga tapuson na ang imperyalismo, pyudalismo kag burukrata kapitalismo, maangkon ang kahilwayan gikan sa kontrol kag dominasyon sang US, kag ipatuman ang reporma sa duta kag pungsodnon nga industriyalisasyon. Amo ini ang mga yabe nga tikang agud mabag-o ang dalagan sang ila kabuhi kag hatagan sila sang higayon nga magamit ang manggad sang Pilipinas nga tubtob

subong ginamonopolyo kag ginahakot sang imperyalismong US kag sang mga traydor nga nagahari nga sahi sang mga kumprador burgesya kag dalagku nga agalon may duta.

Ang pangkalibutanon nga krisis sa kapitalismo kag ang nagakadunot nga estado sang mala-kolonyal kag mala-pyudal nga sistema ang naghimo sang matambok nga duta para sa paglunsar sang demokratiko nga rebolusyon sang banwa. Ang mada-sig nagsarurot nga kahimtangan sa pungsod, ilabi na sa kaumhan, ang nagapukaw sa malapad nga masang mangunguma kag iban pa nga pumuluyong Pilipino, agud isulong ang rebolusyonaryong armadong paghimakas. Tanan nga Pulang hangaway sang Bagong Hukbong Bayan kag mga kadre sang Partido Komu-

nista sang Pilipinas ang bug-os taguipusoon nga maga-alagad sa pumuluyong Pilipino. Lubos sila nga determinado nga pasagrabon kag ilapnag ang kalayo sang pakig-away gerilya kag isulong ang pangmalawigon nga inaway banwa.

Ang mga pag-abante kag kada-lag-an nga maangkon sang pumuluyong Pilipino sa magaabot nga panahon ang gulpi nga pagdaku sang rebolusyonaryong bugso ang kabahin sang liwat nga dalagkuan nga pagsulong sang internasyunal nga proletaryado kag pumuluyo. Daku man o gamay, ang mga rebolusyonaryong agsik nga ini ang mahimo nga dalagku nga balod nga magahampas sa imperyalismo, pasismo kag tanan nga reaksyon sa tanan nga bahin sang kalibutan.

**Awayon ang ginpasingki nga imperyalistang pagpamigos batuk sa pumuluyong Pilipino!
Malig-on nga paabantehon ang inaway banwa para sa matuod nga kahilwayan kag demokrasya!
Pasagrabon kag ilapnag ang kalayo sang inaway banwa!
Mabuhi ang Bagong Hukbong Bayan!
Mabuhi ang Partido Komunista ng Pilipinas!
Mabuhi ang Pilipinong proletaryado kag pumuluyo!**